

La biblioteca Sas dla Crusc inviëia en vëndres ai 20 de setëmber dales 16:00 a La ila scolares y scolars che á tut pert al'aziun da d'isté, da gní ala festa de conclujiun cun Priska Weber (al sará ince la ola dla fortuna).

Le Sorvisc ai Jogn Val Badia lascia alsavëi che an pó jí te ufize Saj a Picolin a se do les foto de i proiec da d'isté (Isté deboriada, Cool & My summer, Musical, Gardaland by night y Multisport). Tolesse do n stik, cajomai te SaJ nen ciafun un por € 5,00. Les foto é debann (orar d'ufize: dal lönesc ala jöbia dales 8.00 ales 12.00).

Tratan les edemes de Multisport a La Ila él gnü dejmuncé deplü guant (cialzá, cialzines, na felpa, na tascia da ginnastica y ince na roda. Chi che á val' mancia, pó cherdé sö te Saj al numer 0474523070.

Mostra: le Museum Ladin Ciastel de Tor inviëia ala daurida dla mostra „Trienala Ladina 2019“ ai 20 de setëmber dales 19:00 tla sënta a San Martin. La mostra resta daverta ti orars dl museum fina ai 24.05.2020.

Referat: „Plü cualité de vita da s'la rí“ cun la referënta dr. Antonietta Mastrandrea. Le Consëi de Formaziun de Badia organisëia chësc ai 19 de setëmber dales 20:00 tla scora mesana da La Ila.

Le KVV de Badia organisëia

Deplö cursc de ingleje con dr. Lalena Stull che mët man ai 23 y 24 de setëmber te biblioteca a Badia. Infos y prenotaziuns al nr. 333/1591599 (Cristina).

Curs da balé en grup con Giuvana Moling che mët man ai 30 de setëmber dales 09:00 te Ciasa Runcher por 10 lünesc. Prenotaziuns al nr. 0471/839760 (Veneranda).

Curs de Aquagym con Susan Tavella che mët man ai 23 de setëmber dales 19:30 te nodadoia/La Ila y vá inant por 8 iadi al prisc de 68€. Prenotaziuns al nr. 328/0984630 (Michela).

Ultima gita a pe de chësc isté: en mercui, ai 18 de setëmber piunse ia dales 08:30 por jí a Feldthurns a fá le „Keschntweg“. Sön tru se architun por na picera funziun y spo dedô ciafunse la marëna a Pradel. Prenotesse pro laco al nr. 0471/839772 o 3396257779.



Plata dla Ploania Badia

San Iaco - San Linert

Ploan: Siur Iaco Wendelin Willeit

Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA




www.unitepastorala.org

Ann „C“ 15.09. – 22.09.2019 24° Domënia dl Ann n. 42

Aniversar dla Consacraziun de nosta dljia

*Na costruziun fata
sö de peres vies:
en tröc sunse un n corp
te Crist, mo vignun é n
mëmber che taca adöm
cun i atri y che á n compit
desvalí aladô dla
grazia ch'ái á ciafé.*



Vangelo della prossima domenica - 25° dell'Anno „C“

Luc 16, 10-13

In quel tempo, Gesù diceva ai discepoli:

«Chi è fedele in cose di poco conto, è fedele anche in cose importanti; e chi è disonesto in cose di poco conto, è disonesto anche in cose importanti. Se dunque non siete stati fedeli nella ricchezza disonesta, chi vi affiderà quella vera? E se non siete stati fedeli nella ricchezza altrui, chi vi darà la vostra?

Nessun servitore può servire due padroni, perché o odierà l'uno e amerà l'altro, oppure si affezionerà all'uno e disprezzerà l'altro. Non potete servire Dio e la ricchezza».

FUNZIUNS SACRES

15.09. 24^a DOMÈNIA dl Ann C – Segra de Badia

09.00 **Mëssa de aniversar dla consacraziun dla dlijia**

†ti Tareja, Angel y Tekla Valentin

por fam. Rudi y Irma Valentin

18.00 †ta Lidia Pedratscher

por fam. Sandro y Lucia Valentin en reingraz.

• *al cianta Kerygma* •

17.09. Mertesc – S. Hildegard von Bingen

19.30 †ta suor Isidora Pitscheider

por fam. Pitscheider da Larzonëi

por les püres animes

18.09. Mercui - Mëssa cun i scolars dla elementara

07.30 vis y †ti Pescoller y Gasser

vis y †ti de Lina di Puntac

†ta Erna Frenner

19.09. Jöbia - S. Gennaro

19.30 †ta Zilia Rudiferia Declara

†ta Rosa Previte

†to Lois Castlunger (dal KVV)

20.09. Vëndres – S. André Kim

07.30 †to Paul Ploner

†to Paul Frenademetz

por les animes dl purgatore

16.30 OIES: Confesciuns

21.09. Sabeda – S. Mateo

13.00 Mëssa da noza: Andi Frenademez y Valentina Irsara

16.00 Mëssa a Oies

22.09. 25^a DOMÈNIA dl Ann C

10.00 †to Otto Pizzinini

†ti Merch y Maria Irsara

18.00 †to Florian Valentini - aniversar

†ta Fefa Adang Delueg

por i jogh

Dala VITA dla CÛRA

Consëi de Cûra: al se abina en mertesc ai 17 de setëmber sö Oies por na sëra de reflesciun personala.

Ora de Taizé: düc é inviá en vëndres, ai 20 de setëmber dales 20:00 te capela a Oies.

Pelegrinaje di Ladins a Oies, ai 21 de setëmber a Oies: l'Union Generela di Ladins inviëia düta la jënt ladina a tó pert al pelegrinaje. La prozesciun pëia ia dala dlijia de S. Linert dales 14:30 y spo dales 16:00 sarál la S. Mëssa a Oies.

Pelegrinaje di vëdui/vëdues y porsones sores: en jöbia ai 26 de setëmber a Weissenstein. An pëia ia da Pedraces dales 07:40, dales 11:45 mëssa tl santuar cun siur Degan y spo marëna. Le prisc por iade, marëna y picera marëna é de 50 €. Prenotaziuns cina ai 20 de setëmber pro la raprezentanta de paisc o al nr. 0474/590069.

Oferta: en la ultima domënia é gnü trat € 351,36 de oferta por le Vinzentinum. Dër bel giulan.

Le Consëi dles Èles recorda ciamó che dai 17 ai 22 de setëmber é da dé jö te dlijia la zetola por la lita dl consëi nü. Sce valgünes adress ciamó na zetola la ciafëise jodapé de dlijia.



En mertesc, ai 17.09.2019 complësc **Maria Declara Glira** te Ciasa de Palsa a S. Martin **91** agn y en vëndres, ai 20.09.2019 **Paolo Tasser** de Sotgherdëna **87** agn. Le Senioreclub y düta la comunité ti aoda düte le bun, sanité y benedisciun de Dî.

Festa di iubilars de matrimone: recordun ciamó n iade che ala sará la domënia ai 20 de otober 2019.

Mësses a Oies: dal 17 de setëmber inant sará sëgn la mëssa vigni de (dal mertesc ala domënia) dales **16:00**.